

Na osnovu člana 4.8. Zakona o prenosu, regulatoru i operatoru sistema električne energije u Bosni i Hercegovini (“Службени гласник БиХ”, br. 7/02 i 13/03), čl. 7. i 18. Pravilnika o tarifnom postupku (“Службени гласник БиХ”, broj 44/05), Državna regulatorna komisija za električnu energiju, na sjednici održanoj 27. februara 2008. godine, donijela je

## **ODLUKU**

### **O IZMJENAMA I DOPUNAMA ODLUKE O ODREĐIVANJU TARIFA ZA POMOĆNE USLUGE**

#### **Član 1.**

- (1) U Odluci o određivanju tarifa za pomoćne usluge (“Службени гласник БиХ”, broj 100/07), u članu 3. stav (2), veličine i iznosi u Tabeli zamjenjuju se slijedećim:

mjesec	Potreban mjesečni iznos	HE Jablanica	HE Rama
	MW	MW	MW
januar	55	30	12
februar	53	30	11
mart	51	30	11
april	48	30	10
maj	44	30	9
juni	43	30	9
juli	43	30	9
august	44	30	9
septembar	45	30	9
oktobar	48	30	10
novembar	52	30	11
decembar	57	30	12

- (2) U članu 3. iza stava (4) dodaje se stav (5) koji glasi:

“(5) Obavezuju se vlasnici licenci za proizvodnju, odnosno elektroprivrede u čijem su sastavu proizvodne jedinice, da, u skladu sa trenutnim i pojedinačnim tehničkim mogućnostima u dnevnim rasporedima, učine raspoloživim proizvodne kapacitete za podmirenje nedostajućeg iznosa sekundarne regulacije.”

#### **Član 2.**

- (1) U članu 4. stav (3), veličine i iznosi u Tabeli zamjenjuju se slijedećim:

mjesec	Potreban mjesečni iznos	HE Čapljina	HE Salakovac	HE ERS
	MW	MW	MW	MW
januar	250	140	30	80
februar	250	140	30	80
mart	250	140	30	80
april	250	140	50	60
maj	250	140	70	40
juni	250	140	60	50
jul	250	140	30	80
august	250	140	30	80
septembar	250	140	50	60
oktobar	250	140	30	80
novembar	250	140	30	80
decembar	250	140	30	80

- (2) U članu 4. stav (7) mijenja se i glasi:

“(7) Vrijeme jednokratnog korišćenja tercijarne rezerve može trajati do šest sati od trenutka angažovanja prema nalogu NOS-a BiH. Tercijarna rezerva može se maksimalno koristiti četiri puta u jednom mjesecu.”

### **Član 3.**

U članu 7. stav (2) mijenja se i glasi:

“(2) Tarifu za prekomjerno preuzetu reaktivnu energiju plaćaju svojoj balansno odgovornoj strani kvalifikovani kupci priključeni na napon 110 kV i više. U skladu sa mjesečnim obračunom NOS-a BiH, balansno odgovorna strana plaća prekomjerno preuzetu reaktivnu energiju proizvođačima srazmjerno njihovom učešću u ukupnoj proizvodnji reaktivne energije.”

### **Član 4.**

Član 8. mijenja se i glasi:

- “(1) Na osnovu godišnjeg iznosa potrebnog za nabavku pomoćnih usluga sekundarne regulacije (kapacitet) i tercijarne regulacije (kapacitet) iz člana 3. stav (1) i člana 4. stav (1) i ukupne energije koja se preuzima sa mreže prenosa u 2008. godini od 11.045.616.075 kWh, određuju se:
- tarifa za sekundarnu regulaciju u iznosu od 0,0558 feninga/kWh,
  - tarifa za tercijarnu regulaciju u iznosu od 0,1630 feninga/kWh i
  - ukupna tarifa za sekundarnu i tercijarnu regulaciju od 0,2188 feninga/kWh.
- (2) Korisnici usluga iz prethodnog stava su svi licencirani subjekti koji preuzimaju električnu energiju sa mreže prenosa i kvalifikovani kupci priključeni na napon 110 kV i više.”

### **Član 5.**

Ova odluka stupa na snagu danom donošenja, primjenjuje se od 1. marta 2008. godine i biće objavljena u “Službenom glasniku BiH” i službenim glasilima entiteta i Brčko Distrikta Bosne i Hercegovine.

### ***Obrazloženje***

U cilju operativnijeg provođenja Odluke o određivanju tarifa za pomoćne usluge (“Službeni glasnik BiH”, broj 100/07) održan je sastanak predstavnika DERK-a sa predstavnicima Nezavisnog operatora sistema u Bosni i Hercegovini i elektroprivrednih preduzeća u BiH, na kojem su razmijenjene informacije o određenim tehničkim mogućnostima pružaoca pomoćnih usluga i na kojem je uočena potreba dodatnog definisanja pojedinih odredbi Odluke.

Istovremeno, svjestan činjenice da su ponuđeni iznosi za sekundarnu regulaciju nedovoljni, kako bi se tarife za pomoćne usluge primijenile na jedinstven i, u ovom trenutku, jedini mogući način, odnosno kako bi se cjelokupan sistem pomoćnih usluga realno i implementirao, DERK donosi odluku kao u dispozitivu.

DERK očekuje da će primjena tarifa za pomoćne usluge u 2008. godini, svim subjektima u elektroenergetskom sektoru Bosne i Hercegovine, dati podsticaj za angažman na konkretnim aktivnostima čiji će krajnji rezultat biti optimalan sistem pomoćnih usluga u Bosni i Hercegovini.

Broj: 04-28-449-23/07  
27. februara 2008. godine

Tuzla

Predsjedavajući Komisije

Mirsad Salkić